

四庫全書

子部

欽定四庫全書

子部

喻林卷二十四
五

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣李斯咏

校對官修撰臣吳錫齡

謄錄監生臣蕭準

欽定四庫全書

喻林卷二十四

明 徐元太 撰

人事門

二十二

分量

蒼蔚之小雲朝升於南山不能為大雨

鄭氏箋詩候人

泉之大者則流行無窮小者有時而虛竭

毛詩正義抑

部婁無松栢

左傳襄公二十四年

子夏子游子張皆有聖人之一體冉牛閔子顏淵則具

體而微

孟子公孫丑上

智譬猶人之有技巧也可學而益之聖譬猶力之有多

少自有極限不可強增

趙氏註孟萬章下

隨廝養之役者失萬乘之權守儋石之儲者闕卿相之

位

史記淮陰侯傳

駕蹇之乘不騁千里之塗燕雀之疇不奮六翮之用滌

稅之材不荷棟梁之任斗筲之子不乘帝王之重

前漢書叙

傳上

繭栗犢豈能負重致遠乎

後漢書趙
憲列傳

枳棘之林無梁柱之質涓流之水無洪波之勢

魏志王
脩傳註

駑馬雖精所致一人耳駑牛一日行三百里所致豈一

人之重哉

蜀志龐
統傳註

山河之量非塵露可益神鑿之慮非愚淺所測

晉書虞
預傳

鷓鴣鴻鸞翥而莫及何但鷺雀之翩翹

宋書謝
靈運傳

駘駟安局步騏驎志千里

宋書索
虜傳

列草深岫不改先冬之悴植松澗底無奪後凋之榮故

展禽三黜而無下愚之譽千秋一時而無上智之聲南齊

書劉

祥傳

斯固龍象之騰驤鯤鵬之搏運蹇乘決羽豈能舛望其

間哉

陳書傳
解傳

非珪璋之特達詎芳菲之易襲未砥礪以自進寧琢磨

而成章

魏書李順希
仁弟騫傳

等渤澥之乘鴈類九罭之逃魚

魏書李順希
仁弟騫傳

弊簞不能救鹽池之鹹阿膠不能止黃河之濁

周書庾
信傳

九鼎之譬鴻毛未喻輕重培塿之方嵩岱曾何等級

隋書

揚玄感
史臣傳

佛日也道月也儒五星也

北史李孝
伯士諫傳

察於刀筆之迹者不知治亂之本習於行陣之事者不

知廟戰之權

夫子
微明

夫子軫方而轂圓者也將無乎而不可我則有所可也

子華子
虎會問

夫指之不能率其臂猶臂之不能運其體也

子華子
晏子

若龍若蛟若蛇若龜若魚若蛤龍皆能之蛟蛟而已不能為龍亦不能為蛇為龜為魚為蛤聖人龍之賢人蛟

之

關尹子
三極篇

天下之理夫者倡婦者隨牡者馳牝者逐雄者鳴雌者應是以聖人制言行而賢人拘之

關尹子
三極篇

且夫水之積也不厚則負大舟也無力覆杯水於坳堂之上則芥為之舟置杯焉則膠水淺而舟大也風之積也不厚則其負大翼也無力故九萬里則風斯在下矣

而後乃今培風背負青天而莫之夭闕者而後乃今將
圖南蜩與鷲鳩笑之曰我決起而飛捨榆枋時則不至
而控於地而已矣奚以之九萬里而南為適莽蒼者三
餐而反腹猶果然適百里者宿舂糧適千里者三月聚

糧

莊子道
遠遊

窮髮之北有溟海者天池也有魚焉其廣數千里未有
知其修者其名為鯢有鳥焉其名為鵬背若泰山翼若
垂天之雲搏扶搖羊角而上者九萬里絕雲氣負青天

然後圖南且適南溟也斥鴳笑之曰彼且奚適也我騰躍而上不過數仞而下翱翔蓬蒿之間此亦飛之至也而彼且奚適也此小大之辨也故夫知効一官行比一

鄉德合一君而徵一國者其自視也亦若此矣

莊子道
遠遊

日月出矣而燭火不息其於光也不亦難乎時雨降矣而猶浸灌其於澤也不亦勞乎

莊子道
遠遊

井竈不可以語於海者拘於虛也夏蟲不可以語於冰者篤於時也曲士不可以語於道者束於教也

莊子
秋水

褚小者不可以懷大綆短者不可以汲深夫若是者以

為命有所成而形有所適也夫不可損益

莊子
至樂

小大之知不離苞苴竿牘蔽精神乎蹇淺

莊子
列禦寇

今休歎啓寡聞之民也吾告以至人之德譬之若載鼈

以車馬樂鳩以鐘鼓也彼又惡能無驚乎哉

莊子
達生

夫尋常之溝巨魚無所還其體而鯢鱣為之制步仞之

丘陵巨獸無所隱其軀而夔狐為之祥

莊子
庚桑楚

短綆不可以汲深井之泉知不幾者不可與及聖人之

言

荀子
榮辱

是規摩之說也。溝中之瘠也。則未足與及王者之制也。
語曰：淺不足與測，深愚不足以謀。知坎井之鼃，不可與
語東海之樂，此之謂也。

荀子
正論

夫世愚學之人，比有術之士也。猶塏埴之比大陵也。其
相去遠矣。

韓非子
和氏

吾已見孔子，則視子猶蚤蝨之細者也。

韓非子
說林上

地薄者大水不產，水淺者大魚不遊，樹禿者大禽不棲。

林疎者大獸不居

黃石公素
書安履

不至則不知不知則不信無骨者不可令知冰

呂氏春
秋任數

今使燕爵為鴻鵠鳳凰慮則必不得矣其所求者无之
間隙屋之翳蔚也與一舉則有千里之志德不盛義不
大則不止其郊旱痺之民其為賢者慮亦猶此也固妄

誹訾豈不悲哉

呂氏春
秋長利

鉏耨棘矜不銛於鈎戟長鍛也

賈子過
秦上

夫臨江而釣曠日而不能盈羅雖有鈎箴芒距微綸芳

餌加之以詹何媚嬖之數猶不能與網罟爭得也射者
扞烏號之弓彎綦衛之箭重之羿逢蒙子之巧以要飛
鳥猶不能與羅者競多何則以所持之小也張天下以
為之籠因江海以為之罟又何亡魚失鳥之有乎夫釋
大道而任小數無以異於使螭捕鼠蟾蠩捕蚕不足以
禁奸塞邪亂乃逾滋

淮南子
原道訓

凍者假兼衣於春而暘者望冷風於秋夫有病於內者
必有色於外矣夫梲木色青翳而羸齋蝟皖此皆治目

之樂也人無故求此物者必有蔽其明者聖人之所以
駭天下者真人未嘗過焉賢人之所以矯世俗者聖人

未嘗觀焉

淮南子
傲真訓

夫牛蹠之涿無尺之鯉塊阜之山無丈之材所以然者
何也皆其管宇狹小而不能容巨大也又况乎以無裹
之者邪此其為山淵之勢亦遠矣

淮南子
傲真訓

交拱之木無把之枝尋常之溝無吞舟之魚根淺則末

短本傷則枝枯

淮南子
繆稱訓

受光於隙照一隅受光於牖照北壁受光於戶照室中無遺物况受光於宇宙乎天下莫不藉明於其前矣由此觀

之所受者小則所見者淺所受者大則所照者博

淮南子
說山訓

宮池涔則溢旱則涸江水之原淵泉不能竭

淮南子
說林訓

短綆不可以汲深器小不可以盛大非其任也

淮南子
說林訓

十頃之陂可以灌四十頃而一頃之陂可以灌四頃大

小之執然

淮南子
說林訓

見象牙乃知其大於牛見虎尾而知其大於狸一節見

而百節知也

淮南子
說林訓

矢之於十步貫兕甲及其極不能入魯縞

淮南子
說林訓

苟如子之方譬如以管窺天以錐刺地所窺者大所見

者小所刺者巨所中者少

韓詩
外傳

登高而臨深遠見之樂臺榭不若丘山所見高也平原

廣望博觀之樂沼池不如川澤所見博也

韓詩
外傳

山岳有饒然後百姓澹

古澹
字

焉河海有潤然後民取足

焉夫尋常之汙不能溉陂澤丘阜之木不能成宮室小

不能苞大少不能澹多

鹽鐵論
貧富

宇宙之內鶯雀不知天地之高也坎井之鼃不知江海之大

窮夫否婦不知國家之慮負荷之商不知荷頤之富

鹽鐵論
復古

祿不過秉握者不足以言治家不滿擔石者不足以計

事

鹽鐵論
地廣

宇小者用菲功巨者用大

鹽鐵論
園池

夫短綆不可以汲深井知鮮不可以與聖人之言惠士

可與辨物智士可與辨無方聖人可與辨神明夫聖人

之所為非衆人之所及也

說苑
政理

建天下之鳴鐘而撞之以建豈能發其聲乎哉君問先

生無乃猶以建撞乎

說苑
善說

坎井無鼃鼃者隘也園中無修林者小也

說苑
談叢

或問航不漿衝不齋有諸曰有之或曰大器固不周於

小乎曰斯械也君子不械

揚子
君子

次八昏辰利于月小貞未及星測曰昏辰利月尚可願

也

太玄經
第六卷

糠粃小生學術虛淺

蔡中郎集
讓高陽侯

小馬不可以進道致千里故不得與大馬同類小知不

可以治世長民故不得與大知同類

淮南子說
山訓解

才力而致富貴命祿不能奉持猶器之盈量手之持重也器受一升以一升則平受之如過一升則滿溢也手

舉一鈞以一鈞則平舉之過一鈞則躓仆矣

王充論衡
命祿篇

夫命富之人筋力自彊命貴之人才智自高若千里之

馬頭目蹄足自相副也

王充論衡
命祿篇

富人之宅以一丈之地為內內中所有柙置所羸縑布
絲綿也貧人之宅亦以一丈為內內中空虛徒四壁立
故名曰貧夫通人猶富人不通者猶貧人也俱以七尺
為形通人胃中懷百家之言不通者空腹無一牒之誦
貧人之內徒四所壁立也

王充論衡
別通篇

夫壯士力多者扛鼎揭旗儒生力多者博大疏通故博
大疏通儒生之力也舉重拔堅壯士之力也

王充論衡
效力篇

牛刀可以割鷄雞刀難以屠牛刺繡之師能縫帷裳納

縷之工不能製錦儒生能為文吏之事文吏不能立儒

生之業

王充論衡
程材篇

富累千金孰與貲直百十也京廩如丘孰與委聚如坻也世名材為名器器大者盈物多然則儒生所懷可謂

多矣

王充論衡
程材篇

所知同業多少異量所道一途步駟相過

王充論衡
實知篇

地性生草山性生木如地種葵韭山樹棗栗名曰美園茂林不復與一恒地庸山比矣文吏儒生有似於此俱

有材能並用筆墨而儒生奇有先王之道非徒葵菲棗栗之謂也恒女之手紡績織經如或奇能織錦刺繡名曰卓殊不復與恒女科矣夫儒生與文吏程材儒生侈有經傳之學猶女工織錦刺繡之奇也

王充論衡
量知篇

染練布帛名之曰采貴吉之服也無染練之治名穀麤穀麤不吉喪人服之人無道學任宦朝廷其不能招政也猶喪人服麤不能招吉也

王充論衡
量知篇

夫令鳩雀施氣於鴈鵠終不成子者何也鳩雀之身小

鴈鵠之形大也

王充論衡
奇怪篇

夫明之所及雖玄陰幽夜之地毫釐芒髮之物不以為難焉苟所不逮者雖日月麗天之炤灼嵩岱干雲之峻

峭猶不能察焉

抱朴子內
篇微旨

阜隸之卷不能紆金根之軒布衣之門不能動六轡之

駕同為人類而尊卑兩絕

抱朴子內
篇道意

侏儒之手不足以傾嵩華焦僂之脛不足以測滄海

抱朴

子內篇

明本

夫虎豹之所餘乃狸鼠之所爭也陶朱之所棄乃原顏

之所無也

抱朴子內篇祛惑

又諸小餌丹方甚多然作之有深淺故力勢不同雖有優劣轉不相及猶一釀之酒不可以方九醞之醇耳

抱朴

子內篇金丹

夫賸者不可督之以分雅鄭替者不可責之以別丹漆井鼃不可語以滄海庸俗不中說以經術吾子苟知老農之小功未喻面牆之巨拙何異拾瑣沙而捐隋和向

炯燭而背白日也

抱朴子外
篇守塔

夫麟不吠守鳳不司晨騰黃不引犁尸祝不治庖也且夫揚大明乎無外宣姬煦之和氣者日也耀華燈於閉夜治金石以致用者火也天下不可以經時無日不可以一旦無火然其大小不可同也江海之外彌綸二儀升為雲雨降成百川而朝夕之用不及累仞之井灌田溉園未若溝渠之沃校其巨細孰為曠哉

抱朴子外
篇述民

茅蓬不能動萬鈞之鏗鏘侏儒不能看重仞之弘麗

抱朴

子外篇
判驕

懸象雖薄蝕不可以比螢燭之貞耀黃河雖混渾不可

以方沼汙之清澄山雖崩猶峻於丘垤虎雖瘠猶猛於

豺狼

抱朴子外
篇廣譬

以此為憂世念國希擬素王有似蹇足之尋龍騏斤鷗

之逐鴻鵠焦冥之方雲鵬鷃鮑之比巨象也

抱朴子外
篇止郭

識在鉞管何能矩矱

文心雕
龍序志

江湖鱸鯨非溝瀆所容也

文中子
禮樂

故鷗鵬一軒橫厲寥廓背負蒼天足蹠浮雲有六翮之資也騃褻一鷺騰光萬里絕塵掣微有迅足之勢也今以燕雀之羽而慕沖天之迅犬羊之蹄而覬追日之步勢不能及亦可知也

劉子均任

夫龍蛇有翻騰之質故能乘雲依霧賢才有政理之德故能踐處勢位雲霧雖密蟻蚓不能昇者無其質也勢位雖高庸蔽不能治者乏其德也故智小不可以謀大

德狹不可以處廣

劉子均任

蹄窪之內不生蛟龍培塿之上不植松栢非水土之性有所不生乃其營宇隘也數粒而炊枰薪而爨非苟為

艱難由性褊恹而細碎也

劉子觀量

枳棘之生數寸而抽枝豫章之植百尺而蒔柯其何故耶宜非質小者枝條蕪之而體大者節目疎乎是以連

者之懷則澆養而無涯褊人之情必刻覈而煩細

劉子觀量

江湖之流爛背漂屍縱橫接連而人飲之者量大故也
盆盂之水鼠尾一曳必嘔吐而棄之者量小故也

劉子觀望

蟲狐以小丘為善

莊子音義
庚桑楚

言凡鳥獸之不可得而鳳麟亦猶凡夫不可強通聖人

之道

楊子法言
註問明篇

譬八荒之於中國如彼諸子之於聖人

楊子法言
註問道篇

且盲者不見咫尺而離婁燭千里之隅

文選長
楊賦

由此而揆之西蜀之於東吳小大之相絕也亦猶棘林
螢耀而與夫椽木龍燭也否泰之相背也亦猶帝之懸
解而與夫桎梏疏屬也庸可共世而論巨細同年而議

豐确乎

文選吳都賦

亦猶犍麋之於子都培塿之與方壺也

文選魏都賦

彼桑榆之末光喻長庚之初暉况河冀之爽塏與江介

之湫湄

文選魏都賦

貫三光而洞九泉曾未足以喻其高下也

文選西征賦

譬猶鷩卵始生翰毛

文選陳琳檄吳將校文

譬猶飛兔流星超山越海龍驤所不敢追况於駑馬可

得齊足

文選陳琳答東阿王牋

將欲希企前賢髣髴崇軌譬猶丘坻之望華岱恒星之

繫日月也其不逮明矣

補文選潘尼乘輿箴

鷓鴣不可與論雲翼并鼃難與量海鰲

補文選郭璞客傲

夫干將之劔陸斷狗馬水截蛟龍而鉛刀不能入泥騏驎駢駟之乘一日而致千里而鴛蹇不能邁畝百鍊之鑑別鬚眉之數而壁土不見泰山鴻鵠一舉橫四海之區出青雲之外而斥鴳不陵桑榆此利鈍之覺優劣之

決也

補文選夏侯湛抵疑

彼瑁井之橫汙固不容夫吞舟且洛邑之淳潛曷足以

居乎萬乘哉

廣文選杜季雅論都賦

燭龍之光不照一堂之上鍾山之口不談曲室之內

廣文

選阮嗣

宗莊論

行潦之流不致江海之深丘垤之資不成太山之高魚

鼈之類不希雲龍之軌一官之守不經大人之變

廣文選傳

彥林王

命欽

蒲柳之姿望秋而落松栢之質凌霜猶茂

世說新語言語

露不廣海塵不增山

藝文類聚職官部尚書令表

策蹇長途終慙一日之致懸縷層臺詎任千鈞之重固

知本弱不可自彊力微難以企及

藝文類聚職官部冢宰表

拂羽決起力謝摩天策蹇載馳功微送日將短翮難以

陵高鶩乘無由致遠

藝文類聚職官部太尉表

顧蹄涔不足以濯神鬚翳蒼不足以翔雲翮

藝文類聚人部隱逸

上贊

瓶甌瑣器實非瑚璉之才稊稗之賤不中梁盛之用

藝文

類聚人部

隱逸下表

陋巷之居無高密之宇壁立之室無旬朔之資

藝文類聚人部

貧書

顧茲蓬蔚廁根蘭陂膏澤雖均華不足披逮春不茂未

秋先萎

藝文類聚人部贈答詩

以十鈞射者見天而不見雲以七鈞射者見鵠而不見

鶴以五鈞射者見鶴而不見雀

藝文類聚巧藝部射

故不見僬僥之微不知泱泱之泰不見果下之乘不別

龍馬之大高下相懸所以致觀也

藝文類聚
獸部牛表

千鈞之弩不為鼯鼠發機萬石之鐘不以尺莛起音

事

類聚
德量

壤蟲之比黃鵠輟鮒之仰河決未足云也

文苑英華徐
陵贈答上書

或問曰諺云人之相去如九牛毛寧有此理乎譚對曰
昔許由讓天子之貴市道小人爭半錢之利此相去何

啻九牛毛也

太平御覽人
事部辯下

羊不任駕鹽車椽不可為楫棟

太平御覽
獸部羊

上士學道輔佐帝王好生之德也中士學道欲度其家

下士學道裁脫其身

太平御覽
道部道

有千金之裘而無千金之布

太平御覽
服章部裘

夜光匪與魚目比映三秀難與朝華爭榮故布鼓自嫌

於雷門礫石有忌於琳琅矣

太平御覽
文部吊文

拙者得工輸之斤斧不能以成雲梯怯者得馮婦之刀

戟不能以擒兕虎

太平御覽
兵部戟

誠知武夫非和寶之倫長庚啓明非曜靈之匹

太平御覽
寶珍寶

部武夫

太山雨天下小山雨一國

押雅天
道門雲

禽經曰雛上無尋鷄上無常雉上有丈鷄上有尺

押雅
品物

門類

聖人喻龍君子喻蛇

玉海周易
鄭康成注

小巫見大巫拔茅而棄此其所以終身弗如

同學紀聞
卷十諸子

比丘諸眷屬離佛不莊嚴猶如虛空中衆星之無月

五燈

會元西天
祖師一祖

無以大海內水譬諸小水無以太陽譬言於餘光

三十六部尊經

道德經

猶如育蛾何能思於一乘寶藏深奧之義

海空智藏經供獻品

天府如海非一鉞所汲

華陽陶隱居集

又如日出月及星光皆悉不現

波羅蜜多經卷五百六十七

又如大地蟲蟻蚊虻種種苦事不能傾動

波羅蜜多經卷五百六十

七

又如大地若聞師子龍象等聲終無驚怖

波羅蜜多經卷五百六十一

七

如見日輪尚有隱沒即知螢火不得久住

波羅蜜多經
卷五百六十

八

亦如大海小獸不入

波羅蜜多經
卷五百六十九

如月輪出放大光明一切星光皆被映奪

波羅蜜多經
卷五百八十六

如日輪出放大光明螢火等光悉皆隱沒

波羅蜜多經
卷五百八十六

大海中水一毛端水百分千分乃至鄒波尼殺曇分亦

未能比其量多少

波羅蜜多經
卷五百八十九

今問尊者妙高山王與小芥子大小高下輕重何別

波羅

蜜多經五百八十九

世間錙鐵所有光彩難可方比瞻部真金謂瞻部金所

有光彩廣大微妙清淨殊勝

波羅蜜多經五百八十九

譬如日輪與瞻部洲作光明事螢不能辦所謂日輪放

無量光普照瞻部諸有情類螢光唯照自身

波羅蜜多經五百九

二十

譬如螢火蟲不作是念言我光明照閻浮提普令大明

光讚波羅

密經卷二

如世間中燈油之光於螢火光為廣為大顯照明淨超
過叢勝燭炬之耀超勝燈光庭燎火聚又勝燭炬藥草
發光踰於火聚星宿之光倍過藥草滿月流光又過星
耀炎盛日光踰超於月

大寶積經
三十七

如瞻部捺陀金置凡金中令彼凡金猶如墨聚失於明

照

大寶積經
三十七

猶如日中盛隆熾陵於星辰故不現

大寶積經
六十一

猶如日中陵月明令月失光明不現

大寶精經
六十一

不以野干聲能令獸王恐唯有師子王一吼飛鳥落

大寶

續經卷

九十九

譬如螢火雖有無量千萬億數不能障蔽日之光明

大方

等大集

經卷九

如日月星宿俱遊虛空而星宿明不及日月

大方等
集經十八

譬如波利質多樹華一日熏衣薝蔔華娑師華雖千歲

熏所不能及

大方廣佛華嚴
經卷五十九

曾見大海神為小小陂池溝渠泉流作禮不須彌山寧

為衆小山作禮不日月之光明與螢火之明等不

阿連
達菩

薩經
衣八

師子獸王大吼之時其餘小獸能堪忍不不也又如香

象其所負重諸驢騾等能堪忍不不也

決定毗尼
經衣三

何因緣故名曰燈三昧譬如日出燈火月光星宿諸明

悉不復現

無盡意菩
薩經九

金翅鳥飛鳥能及不

菩薩善戒
經卷一

如師子吼猫狸能不

菩薩善戒經卷一

譬如真金為莊嚴其餘金不及

菩薩地持經卷七

譬如大河在於大谷谷大耶河大耶谷能盛河非河盛

谷谷必大也

大方等陀羅經卷四

譬如野干獸常與師子遊雖久相習近其聲不相類聞

彼聲怖死况能師子吼

嵩岷摩羅經卷四

譬如從乳出酪酪出生酥生酥出熟酥熟酥出醍醐凡

夫邪見如初生乳乳血共雜受三歸者猶如純乳隨信

行等及初發心菩薩住解行地猶如成酪七種學人及
七地住菩薩猶如生酥意生身阿羅漢辟支佛得自在
力及九住十住菩薩猶如熟酥如來應供等正覺猶如

醍醐

大法鼓
經卷下

當知十駱駝力不如一凡象力又復十駱駝及一凡象
力不如一迦羅勒象力又復十駱駝及一凡象力并迦
羅勒象力不如一鳩陀延象力正使十駱駝一凡象乃
至鳩陀延象力不如一婆摩那象力復計此象之力不

如一迦泥留象力也復計諸象之力復不如一優鉢象
力復計爾許象力復不如一鉢頭摩象力復計爾許象
力復不如一拘牟陀象力復取計校之復不如一分陀
利象力復取計校之復不如一雪象之力復取計校之
復不如一香象之力

增壹阿舍經
卷三十六

此人間螢火之明不如燈火之明燈火之明不如炬火
之明炬火之明不如大火之明大火之明不如星之明
星之明不如月之明月之明不如日之明

樓灰經切
利天品

凡牛之力百當水牛力一水牛力百當青牛力一青牛力百當犛牛力一犛牛力百當竹牛力一竹牛力百當草象力一草象力百當凡象力一凡象力百當黑象力一黑象力百當白象力一白象力百當龍力一龍力百當可畏力士力一可畏力士力百當段力士力一段力士力百當崩惰力士力一崩惰力士力百當大破壞力士力一大破壞力士力百當半人乘力士力一半人乘力士力百當人乘力士力一人乘力士力百當大人乘力

士力一

鷲岫
經錄六

譬如日光比於闇冥如以實語比於妄談如以須彌山
比於衆山如以解脫比於繫縛如以利益比於衰損如
以善友比於怨家如以甘露比於毒藥如以白日比於
昏夜如以偽珠比於真寶如以巨富比於貧窮猶如行
使比安住者如以螢火比於日光如無足者欲比猛風
相去懸遠如以盲人比明眼者如以峻路比平坦道

正法

念處經卷

二十一

譬如牛跡不受海水

阿育王傳第一

須彌山南有一大樹高四千里諸鉢叉鳥栖宿其上樹常不動有小鳥形類鷓鴣住止其上樹即振搖鉢叉鳥語樹神言無知我身將重而初不動小鳥未宿反更振動樹神言此鳥雖小從大海底來純食金剛金剛為物所墮之處無不破壞所以大怖不能自安經以為喻若有凡人解深經一句口誦心念身中三毒四魔八萬垢門皆不能自安何況博採衆法為世橋梁者也

衆經撰
禪譬喻

經

譬如小龍能雨一縣而不周遍雖為人民潤不足言

修行

道地經
修行品

如蠅蟲翅所有風力不能吹動須彌山王

本緣經持
王子品

如諸法無量智慧亦無量如函大蓋亦大函小蓋亦小

大智度
論卷二

譬如恒河不受大河以其狹小故大海能受衆流以其

廣大故

大智度
論卷四

譬如月光雖大日出則滅

大智度論卷九

如人雖到大海以器小故不能取無量水

大智度論三十二

如一切草木力不如火一切諸明勢不如日亦如十方

世界諸山不如一金剛珠

大智度論卷三十五

譬如快馬下一鞭便走駕馬多鞭乃去

大智度論卷三十六

譬如遠行或有乘羊而去或有乘馬而去或有神通去者乘羊者久久乃到乘馬者差速乘神通者發意頃便

到大智度論卷三十八

譬如時雨如有國土溉灌種蒔及種種用水常苦不足

若時雨普降無不沾洽無不如願

大智度論卷五十五

譬如大雨大樹則多受小樹則少受

大智度論卷六十五

譬如水深淺無定若於小兒則深長者則淺乃至大海

於人則深於羅睺阿脩羅王則淺

大智度論卷六十六

如雷霆小鳥則怖畏悶死孔雀大鳥歡喜儻戲

大智度論卷七

一十

譬如大臣功業雖大不及太子

大智度論卷七十一

譬如壁中先有空相小兒以搬釘之力少故不入大力

者能入

大智度論
卷七十二

譬如轉輪聖王寶藏中諸寶無能分別知其價者聖王

出寶賜人正可知其所得者

大智度論
卷八十五

譬如國王見一張氎不以為多貧者見之以為多

大智
度論

卷九

十六

如小海船力可度大海水船力不可渡唯有神通者能

渡

大智度論
卷一百

譬如香象蹴蹋非驢所及

入大乘
論卷下

雖善修理彼迦柘珠終不能為鞞瑠璃寶

菩提資糧
論卷四

譬如人以小器盛水著一升鹽則不可飲若復有人以一升鹽投入大海尚不覺鹽味何況叵飲何以故水多

鹽少故

十住毘婆
沙論卷五

譬如一縷其量微小能持一華一繫華已勢力便盡不復能繫復有一縷能持二華再繫華已勢力便盡復有一縷能持多華多繫華已其力方盡又如流水其性微

小流經一步勢力便盡有第二水其性稍大流經兩步
勢力方盡有第三水其性廣大流經多步勢力乃盡又
如酢滴其性淡薄唯能酢彼一滴之水不能酢多有第
二滴其性稍嚴酢二滴水不能酢多有餘酢滴其性更

嚴乃至能酢衆多滴水

瑜加師地
論六十

譬猶秋毫之憑五嶽觸氏之附六軍

弘明
集十

郗克躡足豈從邯鄲比蹤盧敖捷至寧與若士齊跡

弘明

集
十

江海淵曠非井蛙所達泊然入定豈外道能干

弘明集十

駕時之蟲驚疑於往來滯禿之龜河漢於遠大其故何也淪蒙怠而爭一息抱孤陋而守井幹豈知天地之長

久溟海之壯闊

弘明集十

江海所以異於行潦者以其深廣也五岳所以別於丘陵者以其高大也若高不絕山阜跛羊凌其巔深不絕涓流孺子浴其淵麒麟不處苑囿之中吞舟之魚不遊數仞之溪剖三寸之蚌求明月之珠探枳棘之巢求鳳

鳳之雛必難獲也何者小不能容大也

弘明集
子理惑論

語其量也猶嵩華與培塿殊峻溟渤將坎井異深

辯正
論卷

六

猶炎威赫耀童子不能正目而視迅雷奮擊懦夫不能

張耳而聽

辯正論
卷六

終馘無大椿之久蟬蟬罕龜鶴之年

辯正論
卷六

匠者之前難為斤斧

辯正論
卷七

譬如輓夫為將雖復將兵終身卒無功名若英雄奮發

禍亂立定一日之熱名蓋天下

法苑珠林
卷八十八

吞舟之魚不產溝洫之水鵬鷖之鳥豈翔尺鷃之林也

法苑珠林

卷八十八

小乘人骨金剛肉非金剛也大乘中内外金剛一切實

滿有大勢力無病處故

羅什譯維摩
詰經弟子品

喻林卷二十四

欽定四庫全書

喻林卷二十五

明 徐元太 撰

人事門

遭遇

噬膚滅鼻乘剛也

易噬
嗑

緩之則安動之則苦尊之則為將卑之則為虜抗之則
在青雲之上抑之則在深泉之下用之則為虎不用則

為鼠

前漢書東
方朔傳

愍吾纍之衆分兮颺煜煜之芳苓遭季夏之凝霜兮慶

天賴而喪榮

前漢書揚
雄傳上

當塗者入青雲失路者委溝渠旦握權則為卿相夕失
勢則為匹夫譬若江湖之雀勃解之鳥乘鴈集不為之

多雙鳧飛不為之少

前漢書揚
雄傳下

曩者王塗蕪穢周失其御侯伯方軌戰國橫驚於是七
雄虓闕分裂諸夏龍戰而虎爭游說之徒風颺電激並
起而救之其餘姦飛景附煜雪其間者益不可勝載當

此之時拉朽摩鈍鉛刀皆能壹斷

前漢書
叙傳上

方今大漢灑掃葦穢夷險芟荒廓帝紘恢皇綱基隆於
義農規廣於皇唐其君天下也災之如日威之如神函
之如海養之如春是以六合之內莫不同源共流沐浴
玄德稟邱太和枝附葉著譬猶草木之植山林鳥魚之
毓川澤得氣者蕃滋失時者零落參天地而施化豈云

人事之厚薄哉

前漢書
叙傳上

當此之時雖下愚之才居之猶能使恩同天地威侔鬼

神暴風疾霆不足以方其怒陽春時雨不足以喻其澤

周孔數千無所復角其聖賁育百萬無所復奮其勇矣

後漢書仲

長說列傳

廣廈成而茂木暢遠求存而良馬繫

後漢書崔駰列傳

芳蘭生門不得不鉏

蜀志周羣傳

雖薄供時用白茅猶為珍冰霜晝夜結蘭桂推為新

晉書

樂

下

不幸橫陷此中自不能拔脚於風塵之外

晉書庾亮傳

偉哉橫海鱗壯矣垂天翼一旦失風水翻為螻蟻食

宋書

謝晦傳

良寶遇拙則奇文不顯達士逢讒則英才滅耀故墜葉

垂陰明月為之隔輝堂宇留光蘭燈有時不照

南齊書
劉祥傳

希世之寶違時則賤偉俗之器無聖必淪故鳴玉黜於

楚岫章甫窮於越人

南齊書
劉祥傳

俱沐温光獨酸霜露

南齊書何
昌寓傳

由斯言之非兩漢棟梁之所育近代薪樗之所產哉蓋

好尚之道殊遭遇之時異也

周書史臣
儒林傳

夫謀莫難於必聽事莫難於必成必合於數聽必合於情故抱薪加火爍者必先燃平地注水濕者必先濡

鄧析子
轉辭

楊布問曰有人於此年兄弟也言兄弟也才兄弟也貌兄弟也而壽夭父子也貴賤父子也名譽父子也愛憎

父子也吾惑之

列子
力命

宋有蘭子者以技干宋元宋元召而使見其技以雙枝

長倍其身屬其蹠並趨並馳弄七劍迷而躍之五劍常在空中元君大驚立賜金帛又有蘭子又能燕戲者聞之復以千元君元君大怒曰昔有異技于寡人者技無庸適值寡人有歡心故賜金帛彼心聞此而進復望吾賞拘而擬戮之經月乃放

列子
說符

魯施氏有二子其一好學其一好兵好學者以術于齊侯齊侯納之為諸公子之傅好兵者之楚以法于楚王王悅之以為軍正祿富其家爵榮其親施氏之鄰人孟

氏同有二子所業亦同而窘於貧羨施氏之有因從請
進趨之方二子以實告孟氏孟氏之一子之秦以術干
秦王秦王曰當今諸侯力爭所務兵食而已若用仁義
治吾國是滅亡之道遂宮而放之其一子之衛以法干
衛侯衛侯曰吾弱國也而攝乎大國之間大國吾事之
小國吾撫之是求安之道若賴兵權滅亡可待矣若全
而歸之適於他國為吾之患不輕矣遂刖之而還諸魯
既反孟氏之父子叩胃而讓施氏施氏曰凡得時者昌

失時者亡子道與吾同而功與吾異失時者也非行之
繆也且天下理無常是事無常非先日所用今或棄之
今之所棄後或用之此用與不用無定是非也投隙抵
時應事無方屬乎智智苟不足使君博如孔丘術如呂
尚焉往而不窮哉孟氏父子舍然無愠容曰吾知之矣

列子
說符

人有見宋王者賜車十乘以其十乘驕擗莊子莊子曰
河上有家貧恃緯蕭而食者其子沒於淵得千金之珠

其父謂其子曰取石來鍛之夫千金之珠必在九重之淵而驪龍領下子能得珠者必遭其睡也使驪龍而悟子尚奚微之有哉今宋國之深非直九重之淵也宋王之猛非直驪龍也子能得車者必遭其睡也使宋王而寤子為齏粉矣

莊子列禦寇

楚人和氏得玉璞楚山中奉而獻之厲王厲王使玉人相之玉人曰石也王以和為誑而刖其左足及厲王薨武王即位和又奉其璞而獻之武王武王使玉人相之

又曰石也王又以和為誑而刖其右足武王薨文王即位和乃抱其璞而哭於楚山之下三日三夜泣盡而繼之以血王聞之使人問其故曰天下之刖者多矣子奚哭之悲也和曰吾非悲刖也悲夫寶玉而題之以石貞士而名之以誑此吾所以悲也王乃使玉人理其璞而

得寶焉遂命曰和氏之璧

韓非子
和氏

凡能聽說者必達乎論議者也世主之能識論議者寡所遇惡得不苟凡能聽音者必達於五聲人之能知五

聲者寡所善惡得不苟客有以吹籟見越王者羽角宮徵商不謬越王不善為野音而反善之說之道亦有如

此者也

呂氏春
秋遇合

人有大臭者其親戚兄弟妻妾知識無能與居者自苦而居海上海上人有說其臭者晝夜隨之而弗能去說

亦有若此者

呂氏春
秋遇合

夫楸柚豫章天下之名木生於深山之中產於溪谷之傍立則為太山衆木之宗仆則為萬世之用浮於山水

之流出於冥冥之野因江河之道而達於京師之下因於斧斤之功舒其文彩之好精捍直理密緻博通蟲蝎不能穿水濕不能傷在高柔軟入地堅彊無膏澤而光潤生不尅畫而文章成上為帝王之御物下則賜公卿庶賤不得以備器械閑絕以關梁及隘於山阪之阻隔於九坑之隄仆於巍崔之山頓於窅冥之溪樹蒙籠蔓延而無間石崔巍嶄岩而不開廣者無舟車之通狹者無步擔之蹊商賈所不至工匠所不窺知者所不見見

者所不知功棄而德亡腐朽而枯傷轉於百仞之壑惕然而獨僵當斯之時不如道傍之枯楊累累詰屈委曲不同然生於大都之廣地近於大匠之名工則材器制斷規矩度量堅者補朽短者續長大者治鏘小者治觴飾以丹漆黻以明光上備大牢春秋禮庠褒以文彩立禮矜莊冠帶正容對酒行觴卿士列位布陳宮堂望之者目眩近之者鼻芳故事閉之則絕吹之則通抑之則沈興之則揚處地梗梓賤於枯楊德美非不相絕也才

力非不相懸也彼則枯槁而遠棄此則為宗廟之器者
通與不通亦如是也

陸子
資質

夫歷陽之都一夕反而為湖勇力聖知與罷怯不肖者
同命巫山之上順風縱火膏夏紫芝與蕭艾俱死故河
魚不得明目穉稼不歸育時其所生者然也故世治則
愚者不得獨亂世亂則智者不能獨治身蹈於濁世之
中而責道之不行也是猶兩絆騏驎而求其致千里也
置猿檻中則與豚同非不巧睫也無所肆其能也舜之

耕陶也不能利其里南面王則德施乎四海仁非能益

也處便而勢利也

淮南子
傲真訓

世無災害雖神無所施其德上下和輯雖賢無所立其

功

淮南子
本經訓

夫戟者所以攻城也鏡者所以照形也宮人得戟則以
刈葵盲者得鏡則以益卮不知所施之也故善鄙不同

詐譽在俗趨舍不同逆順在時

淮南子
人間訓

夫項橐七歲為孔子師孔子有以聽其言也以年之少

為閭丈人說救鼓不給何道之能明也

淮南子
修務訓

孟子說齊宣王而不說淳于髡侍孟子曰今日說公之君公之君不說意者其未知善之為善乎淳于髡曰夫子亦誠無善耳昔者匏巴鼓瑟而潛魚出聽伯牙鼓琴而六馬仰秣魚馬猶知善之為善而況君人者也孟子曰夫電雷之起也破竹折木震驚天下而不能使聾者卒有聞日月之明徧照天下而不能使盲者卒有見今公之君若此也淳于髡曰不然昔者揖封生高商齊人

好歌杞梁之妻悲哭而人稱詠夫聲無細而不聞行無
隱而不形夫子苟賢居魯而魯國之削何也孟子曰不
用賢削何有也吞舟之魚不居潛澤度量之士不居汙
世夫甄冬至必彫吾亦時矣詩曰自我先自我後
非遭彫世者歟

韓詩
外傳

夫驥之才千里非造父不能使禹之知萬人非舜為相

不能用

鹽鐵論
利議

故事人加則為宗廟器否則廝養之豐木于越之鋌不

礪匹夫賤之工人施巧人主服而朝也

鹽鐵論
殊路

方李斯在荀卿之門闡茸與之齊軫及其奮翼高舉龍
昇驥騫過九軼二翱翔萬仞鴻鵠驂且同侶况跛牂

燕雀之屬乎

鹽鐵論
毀學

繇繇之葛在於曠野良工得之以為絺紵良工不得枯
死於野此七士者不遇明君聖主幾行乞丐枯死於中

野譬猶繇繇之葛矣

說苑
尊賢

霜降閉戶蟄蟲隱處不見日月與死為伍

焦氏易林
坤之需

典冊法書藏在蘭臺雖遭亂潰獨不遇災

焦氏易林坤之大畜

秋花冬萼數被嚴霜甲兵當庭萬物不生

焦氏易林小畜之蹇

夏麥麩麩霜擊其芒

焦氏易林泰之賁

白鶴銜珠夜室反明懷我德音身受光榮

焦氏易林謙之泰

鷓鴣徒來西至平州遭逢雷電損我葦蘆

焦氏易林謙之萃

探鷄得螽所願不喜

焦氏易林觀之復

秋隼冬翔數被嚴霜

焦氏易林賁之隨

捕魚遇蟹利得無幾

焦氏易林无妄之歸妹

三鴈俱飛避暑就涼適與矰過為繳所傷

焦氏易林
頤之屯

膠車駕東與雨相逢

焦氏易林
大過之蠱

車行千里塗不污輪

焦氏易林
坎之履

風塵坎坷不見南北行迷失利復及其室

焦氏易林
坎之咸

雲夢苑囿萬物蕃熾犀象玳瑁荆人以富

焦氏易林
遯之渙

登危入厄四時變易春霜夏雪物皆凋落

焦氏易林
萃之明夷

駕福乘喜東至嘉國

焦氏易林
解之睽

蛇得澤草不憂危殆

焦氏易林
渙之坤

次五田遇禽人莫之禁測曰田遇禽誠可勉也

太玄經
第四遇

治世則陽明開而小人為泥沙亂世則陰濁濫而君子

為魚肉

天祿閣外
史黨細

夫貧賤者士之素也用之則為春陽不用則為秋陰達
則萬鍾而不如喜窮則一瓢而不如憂故仲尼聖矣不
能為夷吾之霸齊孟軻賢矣不能為子產之興鄭何則

遇與不過耳

天祿閣外
史待想

子徒知曲竹之可規而烏知曲棟不可以使之直乎知

曲世之可規而不知曲主不可使之庭乎鷹隼為鳳狐
狸為麟葭莩為鞠蒺藜為蘭故賢士之處世明主求焉
常主忽焉是故放勳以之讓后羿以之棄高宗以之夢
帝莘以之剖周公以之握穆公以之殉句踐以之謀祖
龍以之坑由此觀之賢士之顯戮時也故負鼎而干湯
伊尹不知其為顯及授之以阿衡而伐夏則顯矣歷說
十二諸侯孔子不知其為戮及絕糧而削迹行不稅冕

則戮矣

天祿閣外
史去就

物以春生人保之以秋成人必不能保之卒然牛馬踐
根刀鎌割莖生者不育至秋不成不成之類遇害不遂
不得生也夫鼠涉飯中捐而不食捐飯之味與彼不汙
者鈞以鼠為害棄而不御君子之累害與彼不育之物
不御之飯同一實也俱由外來故為累害

王克論衛
累害篇

高鳥死良弓藏狡兔得良犬烹權詐之臣高鳥之弓狡
兔之犬也安平身無宜則弓藏而犬烹安平之主非棄
臣而賤士世所用助上者非其宜也

王克論衛
定賢篇

螢火之明掩於日月之光忠臣之聲蔽於賢君之名

上

論衡定

賢篇

馬圈之說無方而野人說之子貢之說有義野人不聽
吹籟工為善聲因越王不喜更為野聲越王大說故為
善於不欲得善之主雖善不見愛為不善於欲得不善
之主雖不善不見憎

王充論衡
逢遇篇

或無伎妄以姦巧合上志亦有以遇者竊簪之臣雞鳴
之客是竊簪之臣親於子反雞鳴之客幸於孟嘗子反

好偷臣孟嘗愛僞客也以有補於人君人君賴之其遇
固宜或無補益為上所好籍孺鄧通是也籍孺幸於孝
惠鄧通愛於孝文無細簡之才微薄之能偶以形佳骨
媚皮媚色稱夫好容人所好也其遇固宜或以醜面惡
色稱媚於上嫫母無鹽是也嫫母進於黃帝無鹽納於
齊王故賢不肖可豫知遇難先圖

王充論衡
逢遇篇

商鞅三說秦孝公前二說不聽後一說用者前二帝王
之論後一霸者之議也夫持帝王之論說霸者之主雖

精見距更調霸說雖麤見受何則精遇孝公所不得麤

遇孝公所欲行也

王充論衡
逢遇篇

處尊居顯未必賢遇也位卑在下未必愚不遇也故遇
或抱洿行尊於桀之朝不遇或持潔節卑於堯之廷

上
充

論衡逢
遇篇

昔周人有仕數不遇年老白首泣涕於塗者人或問之
何為泣乎對曰吾仕數不遇自傷年老失時是以泣也
人曰仕奈何不一遇也對曰吾年少之時學為文文德

成就始欲仕宦人君好用老用老主亡後主又用武吾
更為武武節始就武主又亡少主始立好用少年吾年
又老是以未嘗一遇仕宦有時不可求也

王充論衡
逢過篇

進能有益納說有補人之所知也或以不補而得祐或
以有益而獲罪且夏時鑪以炙濕冬時扇以扇火世可
希主不可准也說可轉能不可易也

王充論衡
逢過篇

蜘蛛結網蜚蟲過之或脫或獲獵者張羅百獸羣擾或
得或失漁者罾江湖之魚或存或亡或姦盜大辟而不

知或罰贖小罪而發覺災氣加人亦此類也

王充論衡
幸偶篇

德令降於殿堂命長之囚出於牢中天非為囚未當死
使聖王出德令也聖王適下赦拘囚適當免死猶人以
夜臥晝起矣夜月光盡不可以作人力亦倦欲一休息
晝日光明人臥亦覺力亦復足非天以日作之以夜息
之也作與日相應息與夜相得也

王充論衡
偶會篇

使火燃以水沃之可謂水賊火火適自滅水適自覆兩
名各自敗不為相賊今男女之早夭非水沃火之比適

自滅覆之類也

王充論衡
偶會篇

長巨之物彊力之人乃能舉之重任之車彊力之牛乃
能輓之是任車上阪彊牛引前力人推後乃能升踰如
牛羸人罷任車退却還墮坑谷有破覆之敗矣文儒懷
先王之道含百家之言其難推引非徒任車之重也薦
致之者罷羸無力遂却退竄於巖穴矣

王充論衡
効力篇

長數仞之竹大連抱之木工技之人裁而用之或成器
而見舉持或遺材而遭廢棄非工技之人有愛憎也刀

芥如有偶然也蒸穀為飯釀飯為酒酒之成也甘苦異
味飯之熟也剛柔殊和非庖厨酒人有意異也手指之
調有偶適也調飯也殊筐而居甘酒也異器而處蟲墮
一器酒棄不飲鼠涉一筐飯捐不食夫百草之類皆有
補益遭醫人采掇成為良藥或遺枯澤為火所爍等之
金也或為劔戟或為鋒銛同之木也或梁於宮或柱於
橋俱之火也或爍脂燭或燔枯草均之土也或基殿堂
或塗軒戶皆之水也或溉鼎釜或溲腐臭物善惡同遭

為人用其不幸偶猶可傷痛况含精氣之徒乎

王充論
衡命義

篇

歷陽之都長平之坑其中必有命善祿盛之人一宿同
填而有遭逢之禍大命善祿盛不能卻也譬猶水火相

更也水盛勝火火盛勝水遇其主而用也

王充論
衡命義篇

夫能知之也凡石生光氣不知之也金玉無潤色

王充
論衡

別通

篇

春物之傷或殘之也殘物不傷秋亦大長

王充論
衡書解篇

譬猶田獵所經而有遺禽脫獸大火既過時餘不燼草

木也

抱朴子內
篇道意

譬猶金石之銷於鑪冶瓦器之甄於陶竈雖由之以成形而銅鐵之利鈍罌甕之邪正適遇所遭非復鑪竈之

事也

抱朴子內
篇塞難

孤貧而精六藝者以游夏之資而抑頓乎九泉之下因風而附鳳翼者以駕庸之資猶迴遑乎霞霄之表

抱朴
子外

學
篇勸

若夫美玉不出重岫良弓不鑿百札驥駉不服朱軒命世不履爵勢則孰知其能攄符彩之耀曩頓雲禽於千仞騁逸迹以追風康庶績於百揆乎夫其不過亦得不雜糅於瓦石鈞賤於朽木列鑣於下乘等望於凡瑣哉

抱朴子外
篇名實

非分之達猶林卉之冬華也守道之窮猶竹栢之履霜

也
抱朴子外
篇廣譬

虎豹不能搏噬於波濤之中螭蛇不能登凌於不霧之

日擊雉克則鸞鳳不及鷹鷂引耕犁則龍鱗不逮雙犗
故武夫勇士無用乎晏如之世碩生逸才不貴乎力競

之運

抱朴子外
篇持喻

駉駉之騁逸迹由造父之御也禹稷之序百揆遭唐虞
之主也故能不勞而千里至揖讓而頌聲作若乃臧獲之
乘驕馱殷辛之臨三仁欲長驅輕鶩則轡急轅逼欲盡
規竭忠則禍如發機所以車傾於險塗國覆而不振也
故良駿敗於拙御智士躓於闇世仲尼不能止魯侯之

出晏嬰不能遏崔杼之亂其才則是主則非也

抱朴子
外篇官

理

沈閭淳鈞精勁之良也而不以擊則朝菌不能斷焉
玼華黎綠連城之寶也委之泥濘則瓦礫積其上焉故可
珍而不必見珍也可用而不必見用也

抱朴子外
篇窮達

晝競羲和之末景夕照望舒之餘耀

抱朴子外
篇任命

田蕪廩虛皆由有君夫君非塞田之蔓草臣非耗倉之
雀鼠也其蕪其虛卒由厄運水旱疫癘以臻凶荒

抱朴
子外

鮑 篇註

種桑長江邊三年望當採枝條始欲茂忽值山河改柯
葉自摧折根株浮滄海春蠶既無食寒衣欲誰待本不

植高原今日復何悔

陶靖節集
詩五言

然將相以位隆特達文士以職卑多謂此江河所以騰

湧涓流所以寸析者也

文心雕
龍程器

榮凋有命困遇有期故春蘂雖茂假朝露而抽翠秋葉

誠危因微風而飄零

劉子
言苑

星著天而後天下見王陽貢禹時主所揚而後名顯也

仲元雖有賢德而時不高之故不彰

揚子法言
註淵騫篇

浮雲之馳奄忽相踰飄颻不定逮乎因風波蕩各在天

之一隅以喻人之客遊飛薄亦爾

李善註文選李
少卿與蘇武詩

明君時有蔽壅喻利眼臨雲而息照俊人待時而屢數

喻明玉蒙垢而掩輝

李善註文選陸
士衡演連珠

權假日以餘榮比朝華而菴藹

文選魏
都賦

昔騷驥倚輶於吳阪長鳴於良樂知與不知也百里奚

愚於虞而智於秦遇與不過也

文選劉琨答
盧詵詩序

穎若皆草木也生潛隱之處則怨青陽之不至生陵阜

之上則哀素秋之早及

文選郭璞
遊仙詩註

昔為匣中玉今為糞上英

文選石崇
王明君辭

夫虎嘯風馳龍興雲屬故重華立而元凱升辛受生而

飛廉進

文選劉峻
辨命論

火炎崑岡燦石與琬琰俱焚嚴霜夜零蕭艾與芝蘭共

盡雖游夏之英才伊顏之殆庶焉能抗之哉

文選劉峻
辨命論

張良受黃石之符誦三畧之說以遊於羣雄其言也如以水投石莫之受也及其遭漢祖也其言也如以石投

水莫之逆也

文選李康
運命論

蚘蛾以不才陸槁蟒蛇以騰驚暴鱗連城之寶藏於褐

裏三秀雖艷糜於麗采香惡乎芬賈惡乎在

補文選郭
璞客傲

顧茲蓬蔚厠根蘭陂膏澤雖均華不足披逮春不茂未

秋先萎

廣文選潘正
叔陸士衡詩

芝蘭蕭艾之秋形殊而並悴羽毛鱗介之怨替異而俱

哀

藝文類聚人部懷舊銘

不見巫山火芝艾豈相離

藝文類聚人部陸逸上詩

當其潛光荆野抱璞未理衆視之以為石獨見知於卞子曠千載以遐棄倏一旦而見齒為有國之偉寶禮神

祇於明祀豈連城之足云嘉遭遇乎知已

藝文類聚寶玉部玉賦

寒蟲夕叫含輕重而同悲秋葉晚傷雜黃紫而俱墜

藝文

類聚人部

言志書

氣亂桃李花青跗含素萼既為風所開復為風所落

藝文

英華沈約
天部六詩

不見高巔樹推抗下為薪豈甘

一作日觀

井中泥時至出作

塵

文苑英華劉孝威樂府十九詩

松生數寸時遂為草所沒未見籠雲心誰知負霜骨弱

幹可摧殘纖莖易凌忽何當數千尺為君覆明月

文苑英華

吳均寄贈一詩

河津一名龍門水陸不通魚鼈之屬莫能上
海大魚薄

集龍門下數千不得上上則為龍

太平御覽居處部門

田者命懸於天也人力雖修水旱不時則一年功棄矣

太平御覽
資產部田

銅俱出於石為鈴則小鑄鐘則大絲俱生於蠶為繒則

賤為錦則貴

太平御覽
珍寶部銅

在物莫尚於珠玉珠玉不覩王公則不為寶

太平御覽
珍寶部珠

下

不謂夷之初旦明而未融虹蜺揚輝棄和取同

何氏語
林譏鑿

范曄後
漢書

譬如池水蓮花中生開敷鮮榮甚可愛樂遇天霜電悉

皆毀壞

海空智藏
經持誡品

猶如盲龜值大浮木

元陽妙
經卷八

物有先貴後賤先富後貧猶如朱夏赫曦玄冬凜冽天

既炎涼不定人亦貴賤何常

道德經註
疏卷三

如有病者乃假醫藥若無其疾醫藥無用

波羅蜜多經
卷五百六十

六

若如彼陶家埏埴作瓦器或盛甘露蜜或受酪酥食計

泥本一等為器各別異所受又不同因盛而立名

法華經卷

三

或有時溝澗暴雨溢滿流疾趣下聲震四遠彼岸人喚此不聞聲此間人喚彼不聞聲或時溝澗水盡無餘

出曜

經一無

常品

昔有羣賊共行劫盜多取財物即共分之等以為分唯有鹿野欽婆羅色不純好以為下分與最劣者下劣者得之恚恨謂呼大失至城賣之諸貴長者多與其價一

人所得倍於衆伴

百喻經卷

昔有導師入海採寶時有五百人追之共行導師謂曰
海中有五難一者激流二者洄波三者大魚四者女鬼
五者醉菓能度此難乃可共行衆人要訖乘風入海到
寶渚各行採寶一人不勝菓香食之一醉七日衆人寶
足颿風已到欲嚴還出鳴鼓集人一人不滿四布求之
見卧樹下醉未曾醒共扶來還折樹枝柱之共歸還國
家門聞喜悉來迎逆醉者見無所得獨甚愁感醉人不

樂拄杖入市市人求價乃至二萬兩金其人與之問杖
有何德曰此為樹寶搗燒此杖熏諸瓦石悉成珍寶

衆經

撰雜譬
喻經

譬如大赦及者得脫不及者則不蒙

大智度論
卷八十八

如壞軍得值大將則活遇小兵則死

大智度論
卷十五

奮激

今寡人念吳猶躡者不忘走盲者不忘視

吳越春秋
踐歸國外傳

水不激不能破舟矢不激不能飲羽

後漢書
馮衍傳註

天生少為隊將十人同火屋後有一大阮廣二丈餘十人共跳之皆渡唯天生墜阮天生乃取寶中苦竹剡其端使利交橫布阮內更呼等類共跳並畏懼不敢天生曰我向已不渡今者必墜此阮中丈夫跳此不渡亦何須活乃復跳之往反十餘曾無留礙衆並歎服

宋書孝義卜天

輿傳

人仕宦不出當入不入當出安能長居戶限上

南史劉穆之傳

駛雪多積荒城之隈急風好起沙河之上克已類出甕

牖之氓決命必在吞氣之士何者寒荒之地風雪之所

積慷慨之懷忠義之所聚

劉子
激通

平原五達易行之衢也孤峯九折難陟之逕也從高越
下駕馬之步也騰峭登危飛颺之足也以險而陟然後

為貴以難而昇所以為賢

劉子
激通

衝颺之激則折木湍波之湧必漂石風之體虛水之性
弱而能披堅木轉重石者激勢之所成也

劉子
激通

梗柁鬱蹙以成縲錦之瘤蚌蛤結疴以銜明月之珠烏

飛則能翔青雲之際矢驚則能踰白雪之嶺斯皆仍瘁

以成明文之珍因激以致高遠之勢

劉子
激通

夫雷霆必發而潛底震動枹鼓鏗鏘而介士奮竦故物

不震不發士不激不勇

文選王褒
四子講德論

越王思報吳冬則抱冰夏則握火

藝文類聚
火部火

王彥深不為羣從所禮常懷恥慨欲以將領自奮每撫

刀曰龍泉太阿汝知我者

何氏語
林言志

利之所激深宮之女皆儀秦也

困學紀聞
卷十諸子

昔有二人各畜力牛一人自誇欲得與彼牛角力若不
如者要金錢五百試牛並耕一牛力實勝之其牛主罵
曰弊牛努力牛聞其罵即便卧地輸金錢五百枚復至
後日主責牛曰名汝為快牛乃使我失錢令我慚愧牛
報其主曰更可試之當盡我力當還倍得彼錢即復更


耕如牛所言倍得彼錢

出曜經
七口品

昔有人捕得大象繫以鐵鎖屬王波斯匿閉在華堂繫
絆不與食猶暴難禁制是時王家更被暴象皆若器仗

有所征伐夫戰象法有所攻伐必同聲喚時彼繫象聞
知有外來寇侵境者象懷瞋恚頓鎖自擲踏壞華堂馳
走東西命敵而行

出曜經五無
放逸品之餘



喻林卷二十五

欽定四庫全書

子部
喻林卷二十六
七

詳校官中書臣朱文翰

主事臣祁韻士覆勘

總校官原任中允臣王燕緒

校對官修撰臣吳錫齡

謄錄監生臣蕭準

欽定四庫全書

喻林卷三十六

明 徐元太 撰

人事門

二十四

賴藉

九二渙奔其机悔亡象曰渙奔其机得願也

易渙

城之為體由基土陪扶乃得為城今下不陪扶城則損壞以此崩倒反復于隍猶君之為體由臣之輔翼今上下不交臣不扶君君道傾危故云城復于隍

周易正義

葛也藟也延蔓於木之枝本而茂盛喻子孫依緣先人

之功而起

鄭氏箋
詩旱麓

周禮上瞽四十人中瞽百人下瞽百六十人有視瞭者

相之

鄭氏箋
詩有瞽

王芻篇竹所以美盛者由得淇水浸潤之故武公所以

德盛者由得康叔之餘烈

毛詩正義
洪澳

芄蘭之支以柔弱恒延蔓於地有所依緣則起以興幼

穉之君以幼時恒闇昧於政有所任用乃能成其德教

毛詩正
義苑蘭

子皮賦野有死麕之卒章趙孟賦常棣且曰吾兄弟比

以安危也可使無吠

左傳昭
公元年

所以傾而未顛決而未潰豈非仁人君子心力之為乎

後漢書黃

瓊傳論

周書小開篇曰嗚呼汝何敬非時何擇非德德枳維大
人大人枳維公公枳維卿卿枳維大夫大夫枳維士登
登皇皇國枳維都都枳維邑邑枳維家家枳維欲無疆

言上下相維遞為藩蔽也

後漢書馮衍傳註

明珠招駭於閭至蟠木取悅於先容

宋書顧覲之傳

圖南因於積風伐國在於資給

魏書邢巒傳

五方易辨尚待指南百世可知猶須吹律

北齊書文苑李廣傳

今之禽獸麋鹿蜚鳥貞蟲因其羽毛以為衣裳因其蹄

蚤以為絳履因其水草以為飲食故唯使雄不耕稼樹

藝雌亦不紡績織絀衣食之財固已具矣今人與此異

者也賴其力者主不賴其力者不主

墨子非樂上

湯武聖主也而不能與越人乘翰舟而浮於江湖伊尹
賢相也而不能與胡人騎驃馬而服駒駘孔墨博通而
不能與山居者入榛薄險阻也由此觀之則人知之於
物也淺矣而欲以徧照海内存萬方不因道之數而專

已之能則其窮不達矣

淮南子主術訓上

陰不能制於陽附於金柅易之柔道牽也

京氏易傳始上

秋冬夜行照覽星辰

焦氏易林
同人之歲

不畏猛虎依人為輔

焦氏易林
避之家人

枯匏不朽利以濟舟渡踰江海无有溺憂

焦氏易林
震之震

犬畏虎狼依人作輔

焦氏易林
未濟之隨

浩浩之海濟樓航之力也航人無楫如航何

揚子
寡見

次四鑿貞不迷于人攸資測曰鑿貞不迷誠可信也

大
玄

經第
六普

日之照幽不須燈燭賁育當敵不待輔佐使將相知力
若日之照幽賁育之難敵則文吏之能無所用也病作
而醫用禍起而巫使如自能按方和藥入室求崇則醫

不售而巫不進矣橋梁之設也足不能越溝也車馬之用也走不能追遠也足能越溝走能追遠則橋梁不設

車馬不用矣

王充論衡
程材篇

且圓物投之於地東西南北無之不可策杖叩動纔微輒停方物集地壹投而止及其移徙須人舉動賢儒世之方物也其難轉移者其動須人也

王充論衡
狀留篇

湍瀨之流沙石轉而大石不移何者大石重而沙石輕也沙石轉積於大石之上大石沒而不見賢儒俗吏並

在世俗有似於此是故金鐵在地焮風不能動毛芥在其間飛揚千里夫賢儒所懷其猶水中大石在地金鐵也其進不若俗吏速者長吏力劣不能用也

王充論衡
狀留篇

火之光也不舉不明有人於斯其知如水其德如山力重不能自稱須人乃舉而莫之助

王充論衡
効力篇

莽育古之多力者身能負荷千鈞手能決舳伸鈞使之自舉不能離地智能滿胃之人宜在王闕須三寸之舌

一尺之筆然後可動不能自進

王充論衡
効力篇

良玉須切磋，璵璠就其形。隋珠豈不曜，雕瑩啓光榮。

嵇中

散集阮
德如答

夫尋端之理，猶獵師以得禽也。縱使尋迹時有無，獲然

得禽，曷嘗不由之哉。

嵇中散集答釋難
宅無吉凶攝生論

損玄黎於滄溟，非夜光之不真也。由莫識焉，投彤盧而不彎，非繁弱之不勁也。坐莫賞焉，故瓊瑤俟荆和而顯，連城之賈，烏號須逢蒙而著。陷堅之功，飛兔待子豫而

颯騰。俊民值知己而宣力。

抱朴子外
篇名實

火之然也不風不盛盛則景耀而聲揚

太玄經第二釋解

聃所以出水須縮以汲之猶君須於民以及祿也

太玄經第二

六劇解

夫火以吹熱生焰鏡以瑩拂成鑑火不吹則無外耀之光鏡不瑩必闕內影之照故吹為火之光瑩為鏡之華人之寓代亦須聲譽以發光華猶比火鏡假吹瑩也

劉子

因顯

目不夜見非暗晝見非明有假也

莊子音義天下

指之取火以針刺鼠以錐故假於物指是不至也

莊子音義

天下

因雲灑潤則芬澤易流乘風載響則音徽自遠是以德

教俟物而濟榮名緣時而顯

文選陸機演連珠

鑽燧吐火以續暘谷之晷揮翮生風而繼飛廉之功是

以物有微而毗著事有瑣而助洪

文選陸機演連珠

且宦無金張之援游無子孟之資而圖富貴之榮望殊

異之寵是隴西之遊越人之射耳

文選應璩與岑天瑜書

膺騰撇波而濟水不如乘舟之逸也衝蒙涉田而致遠未若遵塗之疾也才蔽於無人行衰於寡黨此古今之

患

夫選王褒四子講德論

牽弱葛之蔓延寄陵風於松杞指曲蓬之直達固有憑

於原泉

補又選謝眺酬德賦

之燕入楚待駿足凌河越海寄輕舟

藝文類聚內典部內典頌

夫蒼龍非不神不能白日升天飄風雖疾不以霖雨不能揚塵故蒼蠅之飛不過十步自託騏驥之髮乃騰千

里之路

藝文類聚
多部 蠅書

晉獻公雖與指南車終不覺矣齊桓公中才矣有指南

而悟失之則感管仲桓公指南車也

太平御覽車
部指南車

譬如有人年百二十老耄衰朽又加衆病所謂風病熱
病痰病或三雜病是老病人欲從牀座起往他處而自
不能有两健人各扶一腋徐策令起而告之言莫有所
難隨意欲往我等二人終不相棄必達所趨安穩無損

波羅蜜多經卷

三百一十二

如諸貧人依富長者方出險難

波羅蜜多經卷五百六十八

如險曠野行人疲倦遇善將導能令安穩

波羅蜜多經卷五百六十

八

譬如大火若遇草木必無退還是諸草木皆順益火發

其光明

波羅蜜多經卷五百七十二

如人左手佐助右手

放光波羅蜜經

譬如如有城無有樓閣園林池沼亦無象馬遊行之處彼城之主雖有力安處而城無樓閣諸功德故則非莊嚴

大寶積

經二十

如人處險要因機杖亦如執炬覩見諸器

本緣鹿品

譬如老人夜行無杖則蹶

大智度論卷十四

譬如絕崖險道假梯能上又如深水因船得度

大智度論卷十

八

譬如水性自冷假火故熱止火停久水則還冷

大智度論三十一

一

譬如苦藥服之甚難假之以蜜服之則易

大智度論三十五

譬如登樓得梯則易上

大智度論
三十五

如人闇道中然燈亦能自益亦能益人

大智度論
卷三十九

譬如老病人依恃他力能行能立

大智度論
卷五十三

如夜中有所見皆是星月力

大智度論
卷五十八

如盲人為有目者所將護故終不墜落溝壑

大智度論
卷八十五

因託

賁其須與上興也

易賁

如木既顛厥巢其猶有枝葉作休

汲冢周書
嘗參解

繇繇葛藟

音豐

在河之滸

音虎

繇繇葛藟在河之渙

音後

繇繇葛藟在河之滸

音辱國風葛藟

詩

南有樛

音楸

木甘瓠

音瓠

纍

音雷

之

詩小雅南

有嘉魚

葛

音鳥

與女蘿

音蘿

施

音異

于松柏

葛與女蘿施于松上

詩小

雅頌
弁

葛生延而蒙
楚薇生蔓於野
喻婦人外成於他家

毛詩葛生

註

木枝以下垂之故故葛藟也得纍而蔓之而上下俱盛

鄭氏箋

詩穆木

小鳥知止於丘之曲阿靜安之處而託息焉小臣擇卿

大夫有仁厚之德者而依屬焉

鄭氏箋
詩絲蠻

岐山之南周之原地膾膾然其土地皆肥美也其地所

生董荼之菜雖性本苦今盡甘如飴味然

毛詩正
義端

莫莫然而延蔓者是葛也藟也乃施于木之條枚之上而長也以興依緣者此大王王季也乃依緣已之先祖

之功業而起也

毛詩正
義早麓

鹿死不擇音小國之事大國也德則其人不德則其

鹿也鋌而走險急何能擇

左傳文公十七年

夫子之在此也猶燕之巢于幕上

左傳襄公二十九年

十室之邑可以逃難百室之邑可以隱死以千乘之魯

而不能存子糾以公為病矣

穀梁莊公九年

甘茂亡秦且之齊出關過蘇子曰君聞夫江上之處女

乎蘇子曰不聞曰夫江上之處女有家貧而無燭者處

女相與語欲去之家貧無燭者將去矣謂處女曰妾以

無燭故常先至掃室布席何愛於餘明之照四壁者幸以賜妾何妨於處女妾自以為有益於處女何為去我處女相語以為然而留之今臣不肖棄逐於秦而出關願為足下掃室布席幸無我逐也

戰國策秦昭襄王

蘇代為燕說齊未見齊王先說淳于髡曰人有買駿馬者比三旦立市人莫之知往見伯樂曰臣有駿馬欲賣之比三旦立於市人莫與言子還而視之去而顧之臣請獻一朝之費伯樂乃還而視之去而顧之一旦而馬

價十倍今臣欲以駿馬見於王莫為臣先後者足下有
意為臣伯樂乎臣請獻玉璧一雙黃金千鎰以為馬食

戰國策
燕王噲

伯夷叔齊雖賢得夫子而名益彰顏淵雖篤學附驥尾

而行益顯史記伯
夷傳

甘茂曰臣得罪於秦懼而逃逃無所容跡臣聞貧人女
與富人女會績貧人女曰我無以買燭而子之燭光幸
有餘子可分我餘光無損子明而得一斯便焉今臣困

而君方使秦而當路矣茂之妻子在焉願君以餘光振

之蘇代許諾 史記廿茂傳

明月之珠夜光之璧以闇投人於道路人無不按劍相
眄者何則無因而至前也蟠木根抵輪困離詭而為萬
乘器者何則以左右先為之容也故無因至前雖出隋
侯之珠夜光之璧猶結怨而不見德故有人先談則以
枯木朽株樹功而不忘今天天下布衣窮居之士身在
貧賤雖抱堯舜之術挾伊尹之辯懷龍逢比干之意欲

盡忠當世之君而素無根抵之容雖竭精思欲開忠信

輔人主之治則人主必有按劍相眄之跡是使布衣不

得為枯木朽株之資也

史記鄒陽傳

社籬不灌屋鼠不熏何則所託者然也

前漢書景十三王傳

但駑馬鈇刀不可強扶數蒙伯樂一顧之價而蒼蠅之

飛不過數步即託驥尾得以絕羣

後漢書隗器列傳

虎豹在山龜鼉在水各有所託

後漢書宋均列傳

各著根於石上而垂陰乎千里亦未為易也

魏志裴潛傳註

輅言吾非四淵之龍安能使白日晝陰卿若能動東風

興朝雲吾志所不讓也

魏志管輅傳註

當今二公有晉之棟樑也吾方希達如棖椽耳不憑之

豈能立乎

晉書劉殷傳

蘭植中塗必無經時之翠桂生幽壑終保彌年之丹非
蘭怨而桂親豈塗害而壑利而生滅有殊者隱顯之勢

異也

晉書陸機列傳

司契以不唱為高寃旒以因寄成用

宋書范泰傳

眇眇纖蘿憑喬松以自聳蠢蠢輕蚋託驂尾而遠鶩

陳書

蔡景

歷傳

川澤之大汗潦攸歸松柏之高萬籬斯託

隋書史祥傳

烟霧可依騰蛇與蛟龍俱遠棲息有所蒼蠅同騏驥之

速因人成事其功不難

隋書李德林傳

助祭者得嘗救鬪者得傷蔽於不祥之木為雷霆所撲

文子

上德

以其所能託其所不能若舟之於車北方有獸名曰厲

鼠前而兔後趨則跲走則顛常為蛩蛩距虛取甘草以與之屨有患害也蛩蛩距虛必負而走此以其所能託

其所不能

呂氏春秋不廣

蚩與驪致千里而不飛無糗糧之資而不饑

淮南子說林訓

今人待冠而飾首待履而行地冠履之於人也寒不能煖風不能障暴不能蔽也然而冠冠履履者其所自託

者然也

淮南子人間訓

有鳥於此架巢於葭葦之顛天喟然而風則葭折而巢

壞何其所托者弱也稷蜂不攻而社鼠不薰非以稷蜂
社鼠之神其所託者善也故聖人求賢者以輔夫吞舟
之魚大矣蕩而失水則為螻蟻所制失其輔也

韓詩外傳

夫朝無賢人猶鴻鵠之無羽翼也雖有千里之望猶不
能致其意之所欲至矣是故游江海者託於船致遠道
者託於乘欲霸王者託於賢伊尹呂尚管夷吾百里奚
此霸王之船乘也

說苑尊賢

孔子曰北方有獸其名曰蜃前足鼠後足兔是獸也甚

矣其愛蚤蚤巨虛也食得甘草必齧以遺蚤蚤巨虛蚤
蚤巨虛見人將來必負厯以走厯非性之愛蚤蚤巨
虛也為其假足之故也二獸者亦非性之愛厯也為其得
甘草而遺之故也夫禽獸昆虫猶知比假而相有報也
况於士君子之欲興名利於天下者乎

說苑
後思

鷓鴣巢於葦苕著之髮毛建之女工不能為也可謂完
堅矣大風至則苕折卵破子死者何也其所託者使然
也且夫狐者人之所攻也鼠者人之所燠也臣未嘗見

稷狐見攻社鼠見燻也何則所託者然也

說苑善說

孔子見羅者其所得者皆黃口也孔子曰黃口盡得大爵獨不得何也羅者對曰黃口從大爵者不得大爵從黃口者可得孔子顧謂弟子曰君子慎所從不得其人

則有羅網之患

說苑教慎

蓬生梟中不扶自直白沙入泥與之皆黑

說苑談叢

依賢固不困依富固不窮馬跼斬而復行者何以輔足

衆也

說苑雜言

鵠思其雄欲隨鳳東

焦氏易林
需之離

嫫母為媒請求不得

焦氏易林
蠱之姤

宛馬疾步盲師坐御目不見路中止不到

焦氏易林
復之蹇

攀龍鱗附鳳翼翼以揚之勃勃乎其不可及乎

楊子
淵騫

明星皓皓華藻之力也歟曰若是則奚為不自高曰皓

皓者已也引而高之者天也

楊子
淵騫

舟不能陸車不能浮然更相載故曰以其所能託其所

不能也

呂氏春秋
不廣解

河發崑崙江起岷山水力盛多滂沛之流浸下益盛不得廣岸低地不能通流入乎東海如岸狹地仰溝洫決
洪散在丘墟矣文儒之知有似於此

王充論衡
効力篇

登高而建旌則其所視者廣矣順風而振鐸則其所聞者遠矣非旌色之益明鐸聲之益遠也所託者然也况

居富貴之地而行其政令者乎

徐幹中
論爵祿

騰蛇配龍因霧而躍雖欲登天雲罷陸畧仗非啓體難

以云託

山海經中
山經圖說

凡木結根於靈山而匠石為之寢斤斧小鮮寓身於龍池而漁父為之息網罟蚊集鷹首則鷹駭不敢啄鼠住

虎側則狸犬不敢議

抱朴子外篇廣譬

綴羽於金鐵置之于江湖必也沈溺陷於泥沙非羽質重而性沈所託沈也載石於舟置之江湖則披風截波沉颺長澗非石質輕而性浮所託浮也搏牛之螭飛極百步若附鸞尾則一翥萬里非其翼工所託迅也樓季足捷追越奔光若駕疲驢則日不涉一舍非其脛遲所

託蹇也以是觀之附得其所則重石可浮短翅能遠附

失其所則輕羽淪溺迅足成蹇

劉子託附

故霜雁託於秋風以成輕舉之勢騰蛇附於春霧以希
凌霄之游歷鼠附於蛭蛭以攀追日之步碧蘿附於青
松以茂凌雲之蕊以夫鳥獸蟲卉之志猶知因風假霧
託峻附高以成其事何況於人而無託附以就其名乎

劉子

託附

天之始旭則目察輕煙歲之將暮則蓬卷雲中目之能

見蓬之能高託日之光附風之勢也

劉子託附

夫燕之巢幕銜泥補綴爛若綬紋雖陶匠逞妙不能為之可謂固矣然凱旋剔幕則巢破子裂是所託危也鷦鷯巢葦之墊絃之以絲髮珠圓羅縠雖女工運巧不能為之可謂固矣然蚩風歟至則葦折卵破者何也所託

輕弱使之然也

劉子託附

昔有賣良馬於市者已三日矣而市人不顧乃謂伯樂曰吾賣良馬而市人莫賞願子一顧請獻半馬之價於

是伯樂造市來而迎睇之去而目送之一朝之價遂至
千金此馬非昨為駑駘今成馱馱也由人莫之賞未有
為之顧盼者也夫樟木盤根鉤枝癭節蠹皮輪囷擁腫
則衆眼不顧匠者採焉製為殿堂塗以丹漆畫為黼藻
則百辟卿士莫不顧盼仰視木性猶是也而昔賤今貴
者良工之為容也荆璞之珠夜光之璧薦之侯王必藏
之以玉匣緘之以金滕若閣以投人則莫不相盼以愕
按劍而怒何者為無因而至故也若物無所因則良馬

勞於馭闔美材朽於幽谷寶珠觸於按劍若有所因而
至則良馬一顧千金樟木光於紫殿珠擊之玉匣今人
之居代雖抱才智幽鬱窮閨而無所因未有為之聲譽
先之以吹瑩欲望身之光名之顯猶捫虛縛風煎湯覓

雪豈可得乎

劉子
因顯

幽蘭生乎通谷而長秀被乎高岑言有託也

李善註
選陸士衡

悲哉
行

積句來巢空穴來風其所託者然

文選
風賦

顧葛藟之蔓延兮託微莖於樛木懼身輕而施重兮若

履冰而臨谷

文選寡婦賦

夫蚊蟲終日經營不能越階序附驥尾則涉千里攀鴻

翩則翔四海

文選王褒四子講德論

北土之性難以託根投人夜光鮮不按劍

文選呂安與嵇茂齊書

曲蓬何以直託身依叢麻黔黎竟何常政成在民和

文選

潘安仁河

陽縣作詩

譬彼樛木蔓葛以敷

文選盧諶贈劉琨詩

楚使使者聘於齊王饗之於梧宮使者曰大哉梧乎王
曰江海之魚必吞舟大國之樹必巨圍使者何怪焉

文選

王仲宣贈文
叔良詩註

攀其鱗翼巧其餘論附駟驥之旄端軼歸鴻於碣石

文選

劉孝標廣
絕交論

向若垂一鱗回一翼令吾子攀其飛騰之執挂其羽翼
之末猶奮迅於雲霄之際騰驥於四極之外

補文選夏
後港抵疑

浮萍無根本非水將何依

廣文選傅休
奕明月篇

寄松為女蘿依水如浮萍

廣文選曹子建園情詩

靈芝生河洲動搖因洪波蘭榮一何晚嚴霜悴其柯哀

哉二芳草不植泰山阿

廣文選章孟鄭文勝詩

有階者易成基無因者難成時

意林周生列子

如彼葛藟衍於樛木

藝文類聚歲時部三月三日詩

假勢風雲非由羽翮

藝文類聚職官部吏部尚書詩

地均指日既無跡而成高仕若乘風故不行而自遠

藝文

類聚職官部儀同章

傍玉流溫依蘭染薰

藝文類聚人
部友悌詩

孟嘗君寄客於齊王三年不見用客反見孟嘗君曰不知臣罪耶君之過也孟嘗君曰縷因針而入不因針而急夫子之才必薄矣客曰不然臣見鷓鴣巢於葦之若鴻毛著之已建之安工女不能為可謂完堅矣大風至

則若折卵破者其所託者使然也

藝文類聚
鳥部鷓鴣

附蒼蠅於驥尾託明鏡於朝光

藝文類聚人
部贈答賦

燕鼎在舟雖重不沈

藝文類聚人
部贈答詩

如懸蘿之附松似浮萍之託津

藝文類聚人部良傷賦

青青女蘿草上依高松枝幸蒙庇眷恩為惠不可訾

太平

御覽樂部
菴錄

譬如蓮花不生陸地滋濕之處乃生是花

三十六部尊經按魔經偈

譬如大地以種散中衆緣和合則得生長應知大地與

種生長為所依止為能建立

波羅蜜多經卷一

設空箱篋由曾置珠其器仍為衆人愛重

波羅蜜多經卷八

如有女人端正巨富若無強夫所守護者易為惡人之

所侵凌

波羅蜜多經
卷三百五十

如人依王雖極貧匱而不被辱

波羅蜜多經
五百八十三

譬如有人善解斷事曾於無量長者居士商賈衆中數
數斷事有匱乏故頻於長者居士等所借便財物恐他
來索無力酬還遂依附王冀免拘繫時諸債主怖畏王
故不敢牽掣挫辱彼人所以者何彼所依附王力甚大

難可當敵

波羅蜜多經
五百八十三

若是珠在篋中雖舉珠去以珠功德故其篋則貴

小品
波羅

蜜經

卷二

如依牛糞生蟲糞非是蟲蟲非離糞然依於糞因緣和

合蟲乃得生身作黃色

大寶積經
卷五十六

如依棗生蟲棗非是蟲蟲非離棗然依於棗因緣和合

蟲乃得生身作赤色

大寶積經
卷五十六

如依青草蟲乃得生草非是蟲蟲非離草然依於草因

緣和合蟲乃得生身作青色

大寶積經
卷五十六

如依酪生蟲身作白色

大寶積經
卷五十六

譬如一切種子叢林皆依大地之所生長若地壞者彼

亦隨壞

大寶積經卷一百一十九

譬如射師有諸弟子雖未慣習其師技藝然其智慧方

便善巧餘一切人所不能及

大方廣佛華嚴經卷七十八

譬如黑蜂依船而位游於大海隨船飄蕩

大乘密嚴經卷上

譬如有人鞘中拔刀彼作是念鞘異刀異而刀從鞘出

又如有人合麻為繩彼作是念麻異繩異而繩從麻出

又如有人篋中出蛇彼作是念篋異蛇異而蛇從篋出

又如有人從麤出衣彼作是念麤異衣異而衣從麤出

長阿含經

卷十三

如人依於椽安穩至彼岸

阿育王經
偈基四

譬如近尊者必當獲大利

修行道地
經慈品

世間有二知識常與人為因緣令人得大罪亦令人得

大福何謂二知識一者惡知識二者善知識譬如賊帥

造惡逆殺害君父破亂天下衆生被毒殃無不加與之

從事令人得大罪如釋迦文菩薩發意求道救度衆生

四等四思接護一切三界五道靡不蒙度也所謂善知

識與之從事令人得大福

報譬喻經上

譬如香在器中香雖去餘氣故在

大智度論卷二

譬如曲草生於麻中不扶自直

大智度論卷十四

譬如沈石雖重依船得度

大智度論卷三十五

譬如重囚應死有勢力者護則受鞭杖而已又如王子

雖作重罪以輕罰除之以是王種中生

大智度論卷二十七

譬如毒蛇欲食蝦蟇常隨逐之蝦蟇到摩祇藥所蛇聞

樂氣毒即消歇

大智度論
卷五十六

如人攀緣枝葉則墜落若促莖幹則堅固

大智度論
卷六十八

故願憑流颺以託鱗翮

弘明集釋何
衡陽達性論

喻林卷二十六